

求其喻剩3年合約

# 姜濤許一世承諾 「MIRROR 唔會散」

■姜濤不知自己的合約年期。



■Jeremy對感情隨緣。

男團MIRROR人氣王姜濤早前於節目中自爆與ViuTV只剩3年合約，事後隊長楊樂文(Lokman)更稱若有成員退團，MIRROR必定解散！前晚姜濤出席活動時笑言「只剩3年合約」只是隨意講，不清楚真正合約期，並指無論續約與否，MIRROR一定不會解散：「係一生一世！」



■洪嘉豪與陳凱詠跳貼身舞。



《第七屆KKBOX香港風雲榜》前晚在亞洲國際博覽館舉行，陳凱詠(Jace)和洪嘉豪擔任主持。出席歌手包括姜濤、盧瀚霆(Anson Lo)、呂爵安(Edan)、李駿傑(Jeremy)、邱傲然(Tiger)、張天賦(MC)、周殷廷、黃妍等。提到姜濤早前於ViuTV節目《呂濤米Lo Seoul》自爆剩3年合約，他說：「我係隨意講下，當時都可以講5年或10年，真係冇好認真去諗呢件事，冇諗過俾人放大。我唔記得簽咗幾多年，只記得幾多歲

開始簽，當時仲後生，冇乜理呢啲嘢，冇得簽就簽，返去確實唔再話畀大家聽。」對於Lokman表示若有隊友不續約，MIRROR必定解散，姜濤不認同說：「MIRROR唔會散，就算我哋人唔喺度，個心都喺度，我想永遠都一齊。無論續唔續約都好，我哋12個都可以得閒一齊出嚟食飯傾偈，係一生一世！」

## Jeremy被批40歲遇真愛

節目中，姜濤與經理人黃慧君(花姐)深

入對談，對負面新聞表現豁達，姜濤表示人愈大愈成熟：「經歷多咗就會更加識處理，好多言語唔係自己控制到，做好自己分內事就夠。情緒好難成熟，但如果冇情緒，態度要點樣展現出嚟都係一個課題。」

Jeremy透露曾找堪輿學家算命，被批31歲至33歲會遇到心儀對象，但最終冇緣無分，要到40歲才出現真愛：「我個人太『摺』，或者錯過咗都唔知，性格決定緣分，可能天跌落嚟，我又未必承受得到，就要等到40歲。」



■劉展霆教賴慰玲捉海鮮。

## 賴慰玲講價死纏難打

賴慰玲(Winki)於無綫綜藝節目《一日打工限定》體驗做魚販，意外展現出超強講價能力！清晨6時她隨魚檔老闆青姐到魚市場學習挑選新鮮海鮮，Winki投入學習，獲青姐大讚：「你學得好快！」之後Winki獨自前往選購海鮮，發揮「死纏難打」的講價技巧！她逃

據賣魚老闆「半賣半送」後再說：「我咁靚再平啲？」令賣魚老闆願意再降低底線。Winki到魚檔學割魚，巧遇魚檔太子爺劉展霆(Eden)，Eden細心傳授割魚、捉長腳蟹、開蠔子等技巧，令Winki克服捉蟹的心理障礙。

■羅力威讚囡囡有音樂天分。



## 羅力威父女檔出新歌

睽違樂壇5年，羅力威推出全新單曲《悠揚一曲》作為復出頭炮。昨日他到奧海城出席活動，與過千名粉絲見證新歌誕生，場面熱鬧。最驚喜是羅力威攜4歲愛女Harper現身，Harper除了與爸爸合唱外，更客串MV。期間她頒發「最佳爸爸獎」給羅力威，場面溫馨。羅力威說：「囡囡音樂觸覺真係好敏銳！我錄完音畀佢聽一次，第二朝起身佢竟然可以完整唱出成段旋律！見佢咁有天分，即刻邀請佢正式加入合唱部分。」並指囡囡錄音時，比他初出道時更淡定。

## 王卓淇歐遊呻冇人陪飲酒

前港姐王卓淇最近偕媽媽歐遊，到了西班牙巴塞隆拿的波蓋利亞市場品嚐美食。事後她在社交平台分享旅遊心得，指到該海鮮市場要打醒十二分精神，包包要掛在胸前，慎防小偷，不過無損她對當地美食的熱愛，大讚海鮮飯、鱈魚很好吃，更指此行目的是吃西班牙紅蝦，雖然價錢有點貴，但吃完後覺得物超所值！不過她坦言有點遺憾：「西班牙之旅唯一遺憾，沒人陪我喝一杯。出發下一站了，我最愛的西班牙，我們還會再見的！」



■王卓淇於西班牙飲悶酒。